

Benthyciad Ôl-raddedig
Gradd Meistr

cyllid myfyrwyr cymru
student finance wales



2018/19

Cymryd seibiant o'ch astudiaethau neu adael eich cwrs



 /SFWales

 /SF_Wales

 /SFWFILM

Rydym yn deall bod amgylchiadau'n gallu newid ac y gall fod angen i chi gymryd seibiant o'ch astudiaethau neu adael eich cwrs Meistr Ôl-raddedig.

Gall cymryd seibiant neu adael eich astudiaethau effeithio ar eich cyllid myfyriwr, felly mae'n bwysig eich bod yn rhoi gwybod i ni ar unwaith.

Beth fydd yn digwydd os byddaf yn cymryd seibiant o'm cwrs?

Os ydych chi'n cymryd egwyl o'ch cwrs bydd eich taliadau Benthyciad Gradd Meistr Ôl-raddedig yn stopio. Os byddwch yn cael taliad wedi hyn, efallai y gofynnir i chi ei ad-dalu'n syth, felly mae'n bwysig eich bod yn rhoi gwybod i ni cyn gynted ag y byddwch yn cymryd seibiant.

Cyn belled a bod eich prifysgol wedi cytuno y gallwch gymryd egwyl o'ch astudiaethau, bydd eich taliadau Benthyciad Gradd Meistr Ôl-raddedig yn dechrau eto pan fyddwch yn dychwelyd at eich cwrs. Fodd bynnag, os ydych chi'n cymryd egwyl am ddwy flynedd neu fwy yn ystod eich cwrs, fyddwch chi ddim ond yn cael taliadau Benthyciad Gradd Meistr Ôl-raddedig pellach os gallwch chi arddangos rhesymau personol cymhellol.

Beth fydd yn digwydd os byddaf yn gadael fy nghwrs?

Os byddwch yn tynnu allan o'ch cwrs bydd eich taliadau Benthyciad Gradd Meistr Ôl-raddedig yn stopio. Os byddwch yn cael taliad ar ôl hyn, efallai y gofynnir i chi ei ad-dalu'n syth, felly mae'n bwysig eich bod yn rhoi gwybod i ni cyn gynted ag y byddwch yn gadael eich cwrs.

Os oes gennych chi resymau personol cymhellol dros adael eich cwrs, efallai y byddwch yn gallu cael Benthyciad Gradd Meistr Ôl-raddedig arall ar gyfer cwrs newydd. Dim ond unwaith y gallwch gael hwn.

Beth fydd yn digwydd os byddaf yn ailadrodd blwyddyn?

Ni allwch gael cyllid i ailadrodd blwyddyn, neu ran o flwyddyn, eich cwrs – hyd yn oed os nad ydych wedi cael eich holl daliadau Benthyciad Gradd Meistr Ôl-raddedig neu os byddwch yn dewis peidio cymryd yr uchafswm benthyciad sydd ar gael i chi.

Hawlio budd-daliadau

Os byddwch yn cymryd seibiant neu'n gadael eich cwrs, efallai y bydd modd i chi hawlio budd-daliadau mewn amgylchiadau arbennig, er enghraifft, os byddwch yn mynd yn sâl neu'n ymgymryd â chyfrifoldebau gofalu. Dylech gysylltu â'ch Canolfan Byd Gwaith leol am gyngor. Yn ogystal, gallwch droi at **www.gov.uk** i gael gwybod am unrhyw fudd-daliadau y gallech eu cael.

Ad-dalu eich Benthyciad Meistr Ôl-raddedig

Os byddwch chi wedi cael gordaliad o ganlyniad i'r ffaith eich bod wedi cymryd seibiant neu wedi gadael eich cwrs, byddwn yn cysylltu â chi i roi gwybod i chi sut i ad-dalu'r swm a or-dalwyd i chi neu i leihau unrhyw gyllid i fyfyrwyr pellach y mae gennych hawl i'w gael. Dylech roi gwybod i ni cyn gynted ag y byddwch yn penderfynu cymryd seibiant neu adael eich cwrs, i leihau'r siawns y byddwch yn cael gordaliad.

Os nad ydych wedi cael gordaliad, byddwch yn ad-dalu eich Benthyciad Gradd Meistr Ôl-raddedig fel arfer. Gallwch gael gwybod mwy am ad-dalu eich Benthyciad Gradd Meistr Ôl-raddedig ar

www.cyllidmyfyrwrycymru.co.uk

Am ragor o wybodaeth

Os bydd angen rhagor o wybodaeth arnoch neu os na ddisgrifir eich amgylchiadau chi yma, gallwch ein ffonio ar **0300 100 0494** (ffôn testun: **0300 100 1693**) rhwng 8am a 6pm o ddydd Llun i ddydd Gwener.

I ddweud wrthym fod eich amgylchiadau wedi newid, mewngofnodwch i'ch cyfrif cyllid myfyriwr ar

www.cyllidmyfyrwrycymru.co.uk

Am ddiweddariadau rheolaidd, dilynwch ni ar **Twitter**, hoffwch ni ar **Facebook** a gwylwch ein ffilmiau ar **YouTube**.

f /SFWales

t /SF_Wales

y /SFWFILM



Gallwch lawrlwytho rhagor o gopiâu o'r canllaw hwn ar-lein trwy droi at **www.cyllidmyfyrwycymru.co.uk**.

Gallwch hefyd archebu ffurflenni a chanllawiau ar ffurf Braille, print bras neu sain trwy e-bostio eich manylion ynghyd â ffa ffurf a fformat yr hoffech at **brailleandlargefonts@slc.co.uk** neu gallwch ein ffonio ni ar **0141 243 3686**.

Sylwer, dim ond gyda cheisiadau am ffurfiau amgen ffurflenni a chanllawiau y bydd modd i'r cyfeiriad e-bost a'r rhif ffôn uchod ddelio gyda nhw.

© Argraffydd y Frenhines a Rheolydd HMSO 2018.

Cynhyrwyd gan y Cwmni Benthyciadau i Fyfyrwyr ar ran Llywodraeth Cymru.

Gellir atgynhyrchu rhannau o'r ddogfen hon i ddibenion ymchwil, addysg neu hyfforddiant anfasnachol ar yr amod y cydnabyddir y ffynhonnell. Ar gyfer unrhyw ddefnydd arall, cysylltwch â:

HMSOlicensing@cabinetoffice.x.gsi.gov.uk

Mae'r llyfryn hwn ar gyfer arweiniad yn unig ac nid yw'n ddatganiad o'r gyfraith.

WG35012

ISBN: 978-1-78937-255-7